




सानसेयारि **“बड'सा”** ख्रीर्लाइयाव
स्माजयारि जिउजो लोब्बा थानाय रायथाय, खन्थाय,
स्ल', स्ल'बाथा आरो दावबायारि थावनि, पार्क
बाइदिनि स्मायाव लिन्नाय लिर्बिदां दैथाय हर्/
सानसेयारि **“बड'सा”** ख्रीर्लाइया स्वेबर्गानावै
फोस्वावोन/
बड'सायाव लिर्हर्नायनि हुडा खालाम,
“बड'सा” ख्री नौथो, जौ बयबो आंगो खालाम/
सानसेयारि बड'सा मावखुलि
माइबं नोगोर, जोहोलाव देमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Monday ★ 21 April, 2025 Kokrajhar, BTC, Assam ★ Vol.- 35, Issue No. 26 ★ R.N.I.Regd.No.40994/91, Assam Govt.Regd.No.IPRD.40/2006/3, Rs.8/-

साहित्य अकादेमी बान्था मोनगिरि ड० अजित बर'आ गावनि सुजुनाय गानै बिजाब बेखेवदों

कक्राझार, 20 एप्रिल: बर' थुनलाइनि सासे गोखों लिरगिरि, साहित्य अकाडेमि बान्था मोनगिरि ड० अजित बर'नि थादनाय गैयै थुनलाइ सोरजि। गावनि गोबां मावनो गोनां खामानिफोरखौ मावनायजों लोगोसे थुनलाइ सोरजिनायाव आगानसेबो फावसयाखै ड० बर'आ। थुनलाइ फोथाराव गावनि



थादनाय गैयै खामानि मावनायनि गुबुन मोनसेबाव बिदिन्थि महरै फिन गावनि सुजुनाय गानै बिजाब बेखेवबावदों गसाइगाव बि.एड. फरायसालिमानि गोरायुं ड० अजित बर'आ। थांनाय 14 एप्रिल, 2025 अक्टखालि टिपकाइ गुदि बर' थुनलाइ आफादनि न'ब्बांआव मोनसे हाबाफारिनि गेजेरजों मुंदांखा (□ 6 बिलाइआव)

सन्ध्या मिलन हान्जानि बान्जायनायाव 12थि उदां बोथोरनि फोर्बोखौ बेखेवबाय

उदालगुरि, 20 एप्रिल: सन्ध्या मिलन हान्जानि 12थि उदां बोथोरनि फोर्बोखौ दिने रबिबारखालि फुनि 10:30 रिगायाव बिहुनि फिरफिला बिरहोनायजों बेखेवनाय जादों। बेखौ लोब्बा लानानै बिहुनि फिरफिलाखौ बान्जाय आफादनि आफादगिरि आरो बिटिसिनि लेडाइ गाहाइ मावफुं सोद्रोमा आरो जायगानि एमएलए गबिन्द (□ 6 बिलाइआव)



बिजयागावआव चिलाराइनि मुसुखा बेखेवदों



पाताकाता आदर्श गामियावबो गाब गोनां हारिमुजों रंजा-बाजायै फालिदों रंजालि बैसागु फोर्बो



कक्राझार, 20 एप्रिल: कक्राझार जिल्लानि सिखव थानाय पाताकाता गामियाव साननैनि मेहेर गोनां हाबाफारि लानानै गामियारि लोगो हमलायनाय आरो रंजालि बैसागु फोर्बोखौ मेहेर गोनाडे फालिदों। बे बैसागु फोर्बो फालिनायनि लोब्बायैनो गामिनि गथफोर आरो लाइमोनफोरनि गेजेराव गेलेमु बादायलायनाय, थुनलाइयारि बादायलायनाय, हारिमु बादायलायनाय (□ 6 बिलाइआव)

बिजनी दख 'रा एबसुनि 16थि रंजालि बैसागु फोरबो फालिथाया थुंगेबाय बैसागु फोरबोआ बर' हारिनि सिनायथि: दिनेस ब्रह्म

बिजनी, 20 एप्रिल: बिजनी दख 'रा एबसुजों दानानै होजानाय थुलुगानि थान्दै महेश्वर मुसाहारि गोसोखां आफाद आरो बिजाब बाख्नि बान्जायनायाव थांनाय 19 एप्रिलनिफ्राय खुंजानाय 16थि रंजालि बैसागु फोरबो फालिथाइआ दिने थुंगेबाय। नै साननि बायदि हाबाफारिजों खुंजानाय दिने नैथि सान एबा (□ 6 बिलाइआव)



सानसेनि मेहेर गोनां हाबाफारिजों नै (2)थि भावलागुरि गेवलां रंजालि बैसागु फोर्बो खुंदों

स्टाफ रिपटार, 20 एप्रिल: थांनाय बोसोराव खुंनाय बादिनो दिनेबो 20 एप्रिल (6 बैसाग) अक्टखालि सानसेनि मेहेरगोनां हाबाफारिजों भावलागुरि गामियारि राइजो-राजाया नैथि गेवलां रंजालि बैसागु फोर्बोखौ गामिनि गेवलां फोथाराव गाजा-गोमजायै खुंनानै रंजायो। गेवलां बैसागु हाबाफारिखौ फिथा हास'नानै बेखेवफैयो दुलाराय बर' फरायसा आफादनि गाहाइ नेहाथारि (□ 6 बिलाइआव)



बंसिझरा केन्द्रिय' क्लाब आरो लाइब्रेरिनि बान्जायनायाव खुंगा 11थि रंजालि बैसागु फोर्बो फालिदों



पर्वतझरा, 20 एप्रिल: कक्राझार जिल्ला पर्वतझरा महखुमानि सिखव थानाय मंगलाझरा हालामनि बंसिझरा केन्द्रिय' क्लाब आरो लाइब्रेरिनि बान्जायनायाव खुंगा 11थि बैसागु फोर्बो फालिनायजों लोगोसे फारियै फुंबिलि समनि 7:00 रिगाआव फिरफिला बिरहोयो क्लाबनि दिदोम आफादगिरि जोरां ब्रह्म बिर्थांआ। फुनि 7:30 रिगायाव मुंखलफोरनो बिबार बाउजेनो बारग' गामि गोरा रमेन्द्र ब्रह्म बिर्थांआ। बेनि उनाव जौसांखौ बेखेवनाय जायो बंसिझरा गेजेर खलबनि लेडाइ फोरोंगिरि हिथेस्वर ब्रह्म बिर्थांआ। लोगोसे बायदि बायदि गेलेनाय आरो थुनलाइयारि बादायनाय हाबाफारिखौ मावफुडे। सानजौफु 12:30 रिगायाव गेवलां मेल जथुम्माखौ खुंफुनायआव आफादगिरिनि (□ 6 बिलाइआव)

हाउराघाटनि गरकिया पुखुरि गामियाव सानथामनि रंजालि बैसागु फोर्बोनि हाबाफारिया जागायजेनबाय

हाउराघाट, 20 एप्रिल: कर्बि आंलं जिल्ला हाउराघाट ओन्सोलनि गरकिया पुखुरि गामि जौगाखां आफादनि बान्जायनायाव आरो गरकिया पुखुरि नेहरु संघ आरो गरकिया पुखुरि गामि आइजो आफादनि (□ 6 बिलाइआव)



बरमाआव सानसेनि हाबाफारिजों 14थि रंजालि बैसागु फोर्बो फालिदों



बरमा, 20 एप्रिल: बाक्सा जिल्लानि बरमा दख 'रा दुलाराय बर' फरायसा आफादनि बान्जायनायाव, उदांसि स्पटर्स क्लाबनि लांगोनायाव दिने रबिबारखालि 14थि रंजालि बैसागु फोर्बोखौ सानसेनि हाबाफारिजों खुंनाय जादों। बैसागु फोर्बोनि हाबाफारि जागायजेन्नायाववो गाहाइ गेटखौ बिटिसिनि मिरु सेलेक्सन बर्डनि मासिगिरि दिपक कुमार बसुमतारिआ बेखेवना होयो। बेनि उनाव

आंगो फिसाइआनो गावनि बिसिखौ खास्त्रि-बिस्रियै बुथारदों

बिजनी, 20 एप्रिल: चिरांनि बिजनीआव सोमजिदों गिख्थाव बुथारनाय जाथाय। गावनि आंगो बिसिखौनो खास्त्रि-बिस्रियै बुथारदों आंगो फिसाइआ। थांनाय सनिबारनि मोनानि समाव जादों बे अनागारि जाथाया। जिल्लानि बिजनी थानानि सिखव थानाय (□ 6 बिलाइआव)

बनरगाव दख 'रा एबसु आरो बनरगाव दख 'रा बर' हारिमु आफादआ खुंगा सेथि रंजालि बैसागु फोर्बो फालिदों

कक्राझार, 20 एप्रिल: गिबि खेबनि थाखाय रंजालि बैसागु फोरबो खुंफुदों बनरगाव दख 'रा दुलाराय बर' फरायसा आफाद आरो बनरगाव दुलाराय बर' हारिमु आफादआ। कक्राझार जिल्लानि बनरगाव दख 'रा दुलाराय बर' फरायसा आफाद (□ 6 बिलाइआव)



पर्वतझरा, 20 एप्रिल: कक्राझार जिल्ला पर्वतझरा महखुमानि सिखव थानाय मंगलाझरा हालामनि बंसिझरा केन्द्रिय' क्लाब आरो लाइब्रेरिनि बान्जायनायाव खुंगा 11थि बैसागु फोर्बो फालिनायजों लोगोसे फारियै फुंबिलि समनि 7:00 रिगाआव फिरफिला बिरहोयो क्लाबनि दिदोम आफादगिरि जोरां ब्रह्म बिर्थांआ। फुनि 7:30 रिगायाव मुंखलफोरनो बिबार बाउजेनो बारग' गामि गोरा रमेन्द्र ब्रह्म बिर्थांआ। बेनि उनाव जौसांखौ बेखेवनाय जायो बंसिझरा गेजेर खलबनि लेडाइ फोरोंगिरि हिथेस्वर ब्रह्म बिर्थांआ। लोगोसे बायदि बायदि गेलेनाय आरो थुनलाइयारि बादायनाय हाबाफारिखौ मावफुडे। सानजौफु 12:30 रिगायाव गेवलां मेल जथुम्माखौ खुंफुनायआव आफादगिरिनि (□ 6 बिलाइआव)

भबानिपुर, 20 एप्रिल: गेदेर सरुपेता आन्सलिक रडालि बिहु सम्मिलननि बान्जायनायाव सरुपेतानि मिलन मन्दिर लांगोनायाव खुंनाय रडालि बिहु सम्मिलनआ थांनाय हरआव जाफुसारे थुंगेबाय। मैया मोनाबिलिनिफ्राय बिहु खुंनाय थावनियाव गेदेर गोसो बोजानाय हाबाफारि खुंनाय जायो। मोनाबिलिनि 7:30 रिगानिफ्राय सरुपेतानि फावथिना आरिमुगिरि कार्तिक कुमार पाठक आरो अखिल कलिता, जुबलि पाठगिरिमुननि सामलायनायाव खुंजानाय बान्था गथायनाय मेलखौ दुलाराइ आसाम सत्र महासभानि नेहाथारि अपुबं अधिकारिआ बेखेवना होदों। बान्था गथायनाय हाबाफारियाव भवानिपुर बिधान सभा बियाबनि एमएलए फनिधर तालुदकारआ गाहाइ आलासि महरै, बारग' एमएलए ड० मनरन्जन दास, मुंदांखा



फावथिना आरिमुगिरि लाबान्य डेका, माहारियारि मुंदांखा गेलेगिरि रमनि महन शर्मा मोनहा जर'खा आलासि महरै बिबुंथि होनायजों लोगोसे भवानिपुर आन्सलिक फरायसालिमानि असमीया बिफाननि गाहाइ बिबुंगिरि दिलीप कुमार डेका, आर्यभक्त एकाडेमि सिनियर सेकेन्डरि स्कुलनि गोरायुं किस्वर कुमार चौधुरि, सरुपेता गोजौ गेजेरारि फरायसालिनि बारग' गाहाइ फोरोंगिरि जगबन्डु तालुकदामोनहा आलासि महरै बाहागो लाफेदों। बिहु खुंनायनि अरयथा आफादनि आफादगिरि बिजन बायन, नेहाथारि मुन्ना तालुकदार, बान्जाय आफादनि आफादगिरि नरेश कुमार बैश्यमोनजों लोगोसे माखासे जर'खा सुबुंफोरा बान्था गथायनाय मेलआव बाहागो लाफेदों। मख'नो गोनांदि, बिहु (□ 6 बिलाइआव)

सुजुगिरिनि खोलोम

मिथिंगा सोमख्रै लाखिनाया बिफां-लाइफां गायनाय

सुबुं समाजाव मोनसे हुदाखौ अराय सम नुनो मोनो, बेनो जाबाय हाग्रा एवस्रानाय आरो बिफां दानस्रानाय आरो गामि फज 'नानै आबाद मावनाय। गामिनि सुबुंफोरनि बाश्नाल' नड टाउन सहरनि सुबुंफ्राबो खाबु लानानै हाग्रायाव हाबहैना दंफां दानना लाबोनाय आरो गुबुन्नो फानहरनाय हुदाया गोदो गोदायनिफ्रायनो सोलिबोगासिनो दड। दिनैसिमबो सुबुं समाजआ बे हुदाखौ नागारनो हायाखै। सुबुंफोरनि बाश्नाल' नड, जिब-जुनात, दाउसिन दाउला, एमफौ-एनलानि थाखायबो हाग्रा, दंफां-लाइफांनि गोनांथि दं। जिब-जुनातयाबो हाग्रा-बंग्रा, दंफां-लाइफां नडब्ला जेरै थावरिनो हाया, मानसि माहारियाबो जिउ खांनो हाया। मिथिंगानि सोर्जिनायनि गेजेराव दंफां-लाइफां, हाजो-हाला, दैमा-दैसा, दैमु बाइदिसिना नडब्ला जिउ जुनातफ्रा दसेनि थाखायब्लाबो थाना थानो हानांगौया गोब्राब। हाग्रा-बंग्रा, दैसा-दैमु गैयाब्ला बुहुमनि आबहावाआबो जिउ-जिराद थाना थानो हायै बाइदि गुबुंले जालानायनि मिजिं दं। सुबुं समाजया दंफां-लाइफांनि सायाव जेरै बाइदि सोनारो बेखौ साननो रेंक्ला हाग्रा-बंग्रानि सायाव बे रोखोमनि अनागार उतखारा सोमजिनाय नडमोन। हाग्रामाआव दंफां लाइफांनि अनगायैबो गोबां रोखोमनि जिब-जुनात, दाउसिन दाउला, एमफौ-एनला, मैगं-मैला, थायो। गासिबोखौनो मानसि माहारिनि गोनां जिउ खांनायाव नांगौ जायो। सुबुं समाजया नांगौखौल' मिबथिनो रेंबाय नाथाय, बेफोर गोनां मुवाफोरखौ रेंखा खालामनो दासिमहालागै सोलोडखिसै मानो ? मोनसे सोंनाय फैयो, दंफां-लाइफांखौ दानस्रानो सोलौनो रेंगौब्ला, बेफोरखौ गायनो सोलौनो मानो रेंदिया ? गोदो-गोदाय आबै-आबौमोननि बिबै-बिबौफ्रा गायना गालानाय दंफां-लाइफांफोरखौ हागौमानि दानस्रानानै लांदां खालामजोब्याय। हाग्रामा गैयालाय जिब-जुनार, दाउसिन दाउलाफ्रा थानो जायगा मोनैलाय गामि गामि हाबफैना बुथारजाबाय,खायफाया उतखारबो खालामफैबाय। नाथाय कम्पउटार, इन्टरनेट मुगानि सुबुंफ्रा सानखांनो रोडाखिसै मानसिनो थानो जेरै न'-बां नांगौ, जुनातफोर थानो थाखायबो हाग्रामा नांगौ। थानाय आरो सोलिफु मुगाआव जा जालांबाय जालांबाय, इयुन जोलैफोरनो दंफां-लाइफांनि गोनांथिनि सोमोन्दै मोजाडै गियान होनो रेंनांगोन आरो बेफोरखौ माब्रै गायनांगौ, फोथानांगौ, फेदेरनांगौ, राहोनांगौ, आरो माब्रै रेंखाथि होनांगौ, गोथौयै फोरेंनांगोन, मिन्थिहोनांगोन।

दिनैनि फान्जामुथि

राशि बाइदियै मुंनि गिबि हांखो

मेघ : अ ल बृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ट (ण ष) तुला : त र बृश्चिक : ब न धनु : ध भ (ढ़ फ) मकर : ख ज कुम्भ : ग श (स) मीन : द च (ख ज झ)

मेघ: मानिबाफोर मुवा-बेसाद मोन्नो गोनां दडबा मोनगोन। गोसोखौ गोजोन मोनगोन। मोजां सान।

बृष: मानिबा थाखाय जिंगा सिनानो हागौ। गोसोखौ हमथानानै थानांगोन।

मिथुन: बबेबा गोजान जायगायाव दावबायहैनो मोन्नो हागौ। गोसोखौ गोजोन मोनगोन।

कर्कट: मोजां मोनलायनायनि गेजेरआव अनलायनाया बांगोन। गोजोनै सम बारहोनो हागोन।

सिंह: जेबो जेना-जेंसि गैयै शान्तियै थानो हागोन। जेखि मावा गोजोन मोनगोन। मोजां सान।

कन्या: गासैनिबो बोलोखौ मोन्नो हागोन। जै जानो हागोन। मोजां सान।

तुला: मोजां मोनलायनायाव अन्नायनि दोलेंआ गोरा जागोन। फास्फोमर्थिबो मोजां। गोजोन मोनगोन।

बृश्चिक: जेरैबो रंजा-खुसि खालामनो हागोन। बे राशिनि थाखाय मोजां सान।

धनु: मोजां रेंग 'थिखौ लानानै थुलुंगा होनो हागोन। बयजौबो बाङ्गाय जागोन।

मकर: देहानि थासारिया मोजाडै थानाय नड। देहाखौ सांग्राडै लाखिनांगोन।

कुम्भ: बेराम गोनां सुबुड सांग्रां जानानै थानांगोन। डक्तरनि बोसोन मानिनांगोन।

मीन: गोसो बायदि रंजा-बाजा खालामनानै सम बारहोनो हागोन। फास्फोमर्थिबो मोजां।

ममता बेनार्जीआ सोनाब बंगनि गाज्रिसिन गिबि मन्थिः दिलिप घष

कलकाता, 20 एप्रिल : सोनाब बंगआव बावैसो सिगां नुजाथिनाय हिंसानि उनाव ममता बेनार्जीनि सरकारा सोंथिनि बेंखनआव गसंनादों। बिजेपिनि दैदेनगिरि दिलिप घषआबो ममता बेनार्जीखौ थांखिदों। बिथांनि बुंनाय बायदिब्ला सोनाब बंगनि जारिमिनाव ममता बेनार्जीआनो गाज्रिसिन गिबि मन्थि। बिथांनि समाव राइज्योआ गोबां जेनाफोरजों मोगा-मोगि जानांदों। लोगोसेनो घषआ मिथुन चक्रवर्तीनि बिबुंथि होनायखौबो मदत खालामदों। मिथुन चक्रवर्तीआ सोनाब बंगआव हादतगिरि खुंथाइ लाबोनांगौ होन्ना बुंनायखौ घषआ आबुडै गनायथिदों। मानोना बिथांनि बायदिब्ला राइज्योआव आयेन बेब 'स्थाया जोबोद गाज्रि लामायाव फै बाय। बेयाव सुबुंफोरनि रेंखाथिनि थाखाय सान्थि हान्जाखौ थिसन्नायनि गोनांथि जानानै फैदों। सोनाब बंगआव बेबायदि हिंसानि जाथायफोरा जाफ्लेबाय थायोब्ला राइज्योआव हादतगिरि खुंथाइ नुनो मोनगोना बारा गोबाव गैलिया होन्नानैबो बिथाड बुडे। आथिखालनि थासारिखौ नोजोर होनानै गोबां सुबुंफोरनो ममता बेनार्जीआ सोनाब बंगखौ खुंनायाव फेलें जालां'गासिनो होन्ना मोन्दांथिदों। हादतगिरि खुंथाइनि अनगायै सुबुंफोरनि बिथाया खै फोदआव गोम्लैनायनि अनगायै बिसोरनि जिउआवबो खैफोदआ बांबोगासिनो दं। ममतानि खुंथाइ खुंनायाव सोनाब बंगआव जेबो सोलायनाय नड। बियो गावनि गुन्दाफोर आरो हाथियारनि गोहोजों बिसायख 'थिखौ देरहानो सानो। ममतानि बे आखुआ जोबोद गिख्रंथाव फोरमान जागोन होन्नानै दिलिप घषआ बुंबावोदि, ममता बेनार्जीआ राइज्योआव जानाय जायखिजाया जाथायनि बिबानखौ लाया, गुबुनफोरनि सायावसो बियो दाय जाबसिनो। बियो जेबो खामानिबो मावा आरो बियो सामलायनोबो हाया। थासारिया जेब्ला गाज्रिसिन जालाडो अब्ला गिबि मन्थि बेनार्जीआ गुबुननि सायाव दाय होयो। बियो दासिमाव सोनाब बंगनि बयनिखुइबो गुण गैसिनै गिबि मन्थि जायनि खुं'थायाव राइज्योआ गोबां जेनाफोरखौ भुगिनांबाय होन्नानैबो दिलिप गषआ बुडे।

मिरुनि रंखान्थि मन्थि सितारमनआ आमेरिका आरो पेरुआव दावबायगोन

गोदान दिल्ली, 20 एप्रिल : भारत आरो आमेरिकानि गेजेराव आथिखालनि टेरिफ आयदाखौ लानानै फैगौ सप्ताहआव मोन्थाम थाखोनि सावरायनायखौ जागायनो हागौ। गिबियावनो समबारखालि गाहाइ मन्थि नरेन्द्र मदि आरो आमेरिकानि लेडइ हादतगिरि जेडि वान्सनि गेजेराव जानो गोनां जथुम्मायाव बे आयदाया दैखांजागोन। बेनि उनाव वाशिंग्टनआव दरसैबो हादतनि फालांगियायि मावख 'फोरनि गेजेराव दरसै हादतयारि फालांगि रादाय (बिटिए) नि सायाव सावरायनाय जागोन। फारसेथिं फैगौ सप्ताहआव रंखान्थि मन्थि निर्मला सितारमन आरो आमेरिकानि ट्रेजारी सेक्रेटरि स्काट बेसेन्टनि गेजेराव जानो गोनां जथुम्मायाव भारत आरो आमेरिकानि गेजेरनि फालांगियायि सोमोन्दोआनो गाहाइ आयदा जानो हागौ। बेफोर जाथुम्मायाव दरसै हादतनि गेजेरनि फालांगि आरो इन्भेस्टजों

लोब्बा गोनां आयदाफोरखौ लाना जाय बाश्नाफोरा रोखा जायाखै बेखौ सुस्रानायाव मदत मोन्नो हागौ होन्ना आसा खालामनाय जादों। आमेरिकानि लेडइ हादतगिरि वान्सआ 21 एप्रिलआव भारतसिम दावबायगोन आरो मोनाबिलि समाव बिथाड गाहाइ मन्थि मदिजों मावख 'यारि जथुम्मा खालामगोन। थानाय फेब्रुवारीयाव जेब्ला भारतनि गाहाइ मन्थिआ वाशिंग्टनआव दावबायनाय समाव वोन्सजों

लोगो हमदोंमोन। अब्ला बिथाड भारत-आमेरिकानि रंखान्थियारि सोमोन्दोखौ जौगाहोनायाव आबुं मदत होनायनि बाश्ना बुंदोंमोन।

फारसेथिं भारतनि रंखान्थि मन्थि सितारमनआ दिनै आमेरिका आरो पेरुनि बाश्नाखौ जागायबाय। बिथाडा बैयाव इन्टरनेशनल मानिटारि फान्ड आरो वर्ल्ड बैंकनि मख 'जाथाव जथुम्माफोराव बाहागो लागोन। बेनि उनाव बिथाड जि-20 नि बायदियै रंखान्थि मन्थिफोरनि गुबुन मोनसे जथुम्मायावबो बाहागो लागोन। बे समाव बिथाड आमेरिकानि रंखान्थि नेहाथारि बेसेन्टजों आलादायै जथुम्मा खालामगोन। आमेरिकानि उनाव रंखान्थि मन्थिआ पेरुआव थांगोन, जेराव भारत-पेरु बिजनेस फरमनि जथुम्मानि आफादखौ बिथाडनो सामलायगोन।

कंग्रेस हान्जानि दैदेनगिरि राहुल गान्धीआ आमेरिकायाव सहैबाय

बस्टन, 20 एप्रिल : गागि कंग्रेस दैदेनगिरि आरो लकसभायाव बेरेखा हान्जानि दैदेनगिरि राहुल गान्धीआ आमेरिकायाव सहैबाय। बेवहाय बस्टनआव, कंग्रेस अभारसिजनि गाहाय सेम पित्रदाया बिथांखौ बरायदों आरो गान्धीखौ लाइमोन, सुबुंखान्थि आरो मोनसे मोजां इयुननि दैदेनगिरि महरै बरनायदों। एक्सआव मोनसे पस्टआव, पित्रदाया लिरदों, लाइमोनफोरनि, सुबुंखान्थि आरो मोनसे मोजां इयुन। राहुल गान्धी आमेरिकायाव बरायबाय, मख 'जाथावदि, गावनि दावबायनाय समाव राहुल गान्धीआ रड आइलेन्डआव ब्राउन मुलुग सोलोसांलियाव दावबायगोन, जेराव बिथाड फोरेंगिरि सोद्रोमाफोर आरो फरायसाफोरजों सावरायगोन। बेजों लोगोसे बिथाड एनआरआइ हारिनि सोद्रोमाफोर, मावख 'गिरिफोर आरो इन्डियन अभारसिज कंग्रेस (आइअसि) नि सोद्रोमाफोरजों रायज्जलायनायनि मिजिं थिजादों। कंग्रेसनि दैदेनगिरि पान खेराया राहुल गान्धीनि आमेरिका दावबायनायनि सोमोन्दै एक्सआव मोनसे पस्टआव फोरमायथि होदों, बिथाड बुंदोंदि, कंग्रेसनि बारग' आफादगिरि राहुल गान्धीआ 21 आरो 22 एप्रिलाव जुथाइ रायजो आमेरिकानि ब्राउन मुलुगसोलोंसालियाव दावबायगोन। बिथाड बैयाव बिबुंथि होगोन आरो फोरेंगिरि सोद्रोमाफोर आरो फरायसाफोरजों सावरायगोन। बावैसोनि दाननि गेजेराव बेयो राहुल गान्धीनि जुथाइ रायजो आमेरिकायाव नैथि दावबायनाय जाबाय। बेनि सिगाडव, बिथाड सेसेम्बर 2024 मायथाइयाव सानथामनि आमेरिका दावबायनायदोंमोन। गावनि दावबायनाय समाव बिथाड डालासआव थांदोंमोन, जेराव बिथाड टेक्सास मुलुग

॥ असमीया राव ॥

फैलाव ब्रह्म तामुलपर

गोबां हारि आरो गोबां रावजों दाजानाय आसामनि असमीया होन्नाय हारिया। बेनिखायनो गोरोन्थि जायो बबेबा मोनसे रावखौल' असमीया राव एबा हारि होन्नानै खारिनाया। 'असमीया राव' मोन्नै सोदोबजों आसामनि थागिबि जनजाति हारिखौ जंखाइनाय जादों। मानोना असमीया राव बे मोन्नै सोदोबा जनजातिफोरनि रावखौ असमीया मर्यदानि जानगाराव दोनदो ?। असमीया हारिखौ बोजोबनो हायै सोदोब बाहायनायानो मोनसे जाहोन-ग्रेटार असमीया हारि दानायाव फेलें जानाया।

2

आसामाव गिबिसिन रायजो जानाय जनजातिफोरनि रावखौ 'असमीया राव' होन्नानै बिसोर खारियाखैसै। जनजातिफोरनि उनाव आसामाव हाबफैनाय आर्य गुदि रावखौसो 'असमीया राव' होन्नानै बुंदोंसै। बेनिखायनो असमीयाफोरा दिनैसिम बाहायबोनाय मोननै गोरोन्थि सोदोबा जादों-'असमीया राव'।

3

खिलन्जीया सोदोबनि बुंफुरलुखौ होनो अबर' सोलोगोराफोरा दोनथ'बाय। बर'फोरासो गिबिसिन खिलन्जीयानि मर्यदाखौ मोनगोन बेखौ बिसोर गिखाबाय। गावसोरखौ गिबिसिन असमीयागिरि दिन्थिनो अबर 'फोरनि सिमां नुनाया। खिलन्जीया बुंफुरलुजोंनो ओंखारगोन बिसोरनि नंगुबै सिनायथिया। खानसि जावनायाव जिबौसो ओंखारगोन बेखौ बिसोर मिथिखाबाय।

4

असमीया थुनलाइगिरि शिखा शर्माया बिस्वजिद दैमारीखौ असमीया राव रोड होन्नानै बुंदों। आसुवा बिटिचिनि मावख 'फलकफोराव लिरनाय रावखौ असमीया राव लिराखै होन्नानै बुंदों। बिसोरनि बायदिब्ला बिटिचि फलकफोराव लिरनाय बर' राव आरो दैमारीया बुंनाय बर' रावा असमीया राव नड। बिसोरनि बायदिब्ला हानि फिसा मुडै मिथिजानाय जनजाति बर 'फोरनि बर' रावा असमीया राव नड। बायजोनिफ्राय फैनाय अबर 'फोरा हाईजाम्प-लंजाम्प बारनानै आसामनि जनजातिफोरखौ गावसोरनि उन खालामदों।

5

'असमीया राव' होननाय बे मोन्नै सोदोबआ आसामनि थागिबिफोरनि गोसोआव दुखु-दाहा होबाय। मानोना आसामनि थागिबि जनजातिफोरनि रावखौ बे मोननै सोदोबजों अपमान खालामबाय। आसामनि नंगुबै असमीया जासेयावबो असमीयानि मर्यदाखौ मोनैयाव, खासि, मनिपुरी, नागा, मिज 'फोरा हनै थानांबाय आसामनि गोजानाव। उनाव हाबफैनाय बर 'फोरा बांद्राय असमीयागिरि दिन्थिनानै आसामखौ बोफाय-बोसिसो खालामबाय।

NAME CORRECTION

That, my actual/correct name is **BHAIGESWARIBASUMATARY**, which is recorded in my Elector Photo Identity Card, vide No. **HJL9439934**, Service Book Record of my deceased husband **NABIN BASUMATARY**, vide **PPO No. 920301011798** and other relevant documents.

That, in my AADHAAR Card, vide no. **8985 2643 8825**, wherein my name has been recorded as **FERLEB BASUMATARY** instead of **BHAIGESWARIBASUMATARY**.

That, I do hereby declare that **BHAIGESWARI BASUMATARY** and **FERLEB BASUMATARY** is the same and one identical person who is none other than myself.

Smt. Bhaigeswari Basumatary

W/O.- Late Nabin Basumatary

Vill. & P.O.- Banargaon

P.S.- Dotma

Dist.- Kokrajhar, BTR, Assam

PIN- 783347

निसिकान्त डुबेनि बिबुंथिखौ लानानै बेरेखा दोलोफोरा मिरुखौ थांखिदों


गोदान दिल्ली, 20 एप्रिल : सुप्रिम कर्टआव वफ्क सोदांनय आयेन 2025 खौ लानानै सोलिबाय थानाय नायसंनयनि गेजेराव शनिबारखालि न्याय फालिकानि सायाव बिजेपिनि एमपि निसिकान्त डुबेनि बिबुंथि होनायजों मोनसे गोदान दावराव-दावसि सोमजिदों। कंग्रेसनि गाहाइ नेहाथारि जयराम रमेशआ बिजेपिनि सायाव गोसो जानानै सुप्रिम कर्टखौ थांखि खालामनाय आरो लोरबां खालामनो नाजानायनि दाय जाबसिन्दों। मिरुखौ थांखिनानै बिथाड दाबिबो दै खांदोंदि, संबिजिरनि



बिबानफोराव थानाय सुबुं, मन्थि आरो बिजेपिनि एमपिफोरा फसंथानखौ लोरबां खालामनो नाजानानै सुप्रिम कर्टनि हेंथायै बाश्ना बुंनो हमदों। सुप्रिम कर्टआ गावनि मोन्थाइ आरो उदांसियै खामानि मावलांनयखौनो कंग्रेसआ हास्थायो। संबिजिरआ सुप्रिम

कानाडा आरो आमेरिकायाव बाडइ खाबुनि जाहोनाव सिंगापुराव भारतयारि फरायसाफोरनि अन्जिमाया बांदों

सिंगापुर, 20 एप्रिल : कानाडा आरो आमेरिकायाव भारतयारि फरायसाफोरनि थाखाय खाबुफोरा बाडइ जालांनयनि गेजेराव सिंगापुरनिफ्राय मोजों खौरां फैदों। सिंगापुर सरकारनि बायदिब्ला, बेवहाय भारतयारि फरायसाफोरनि अन्जिमाया मख'जाथाव बांदों। बेजों लोगोसे गावसोरनि खामायनायाबो गोबां बांदों। सिंगापुरनि नख'र आरो आयेन मन्थि के. शनमुगमआ बुंदोंदि, सिंगापुराव भारतआरि सुबुं समाजा मख'जाथाव दावगादों आरो हायुंआरि अन्जिमाया सानजेर नख'रारि आय आरो सोलोंथाइ बायदि बिथिडाव जौगानायखौ दिन्थियो। सिंगापुरनि सुबुं सानखोनि सायाव बिथा खालामनानै, बिथाड बुंदोंदि, 2000 मायथाइयाव 16.5 जौखोन्दोनि रुजुनायाव 25 बोसोर



आरो बेनि बांसिन बैसोनि 41 जौखोन्दो सुबुंफोरनाव डिग्री दंमोन। बिथाड बे बिबुंथिखौ गाव-हेफाजाब हान्जा 'सिंगापुर इन्डियान डेभलपमेन्ट ए स 'सि ए शान' फरायसालि नागारदोंमोन, बबेखानि 2000 मायथाइयाव बे अन्जिमाया 38 जौखोन्दोमोन। बिथाड खुंजानाय मोनसे बाख्नायनाय

मायथाइनिफ्राय 2020 मायथाइसिम 10 बोसोरनि गेजेराव भारतरि नख'रफोरनि सानजेर दानारि आयआ 40 जौखोन्दो बांदों। 2010 मायथाइयाव बेयो 6,000 सिंगापुर डलारमोन, जाय 2020 मायथाइयाव बांनानै 8,500 सिंगापुर डलारसिम सौहेंदों।

इम्फल, 20 एप्रिल: मनिपुरआव हादरगिरि खुंथाय सोलिनानयनि उनावबो थासारिआ आबुडै सरासन्सा जायाखै। थांनय 18 घन्टायव इम्फल हायेननिफ्राय सा 9 सुबुंफोरखौ हमनाय जादों। बिसोर गासैबो सुबुंफोरा होबथाजानाय आफादफोरनि सोद्रोमा, जायखौ मनिपुरनि आलादा-आलादा जिल्लाफोरनिफ्राय हमनाय जादों। शनिबारखालि सान्जा इम्फल जिल्लानि नंडम गामिनिफ्राय इनाइटेड नेसनेल लिबारेसन फ्रन्ट (इउएनएलएफ-पं'बेइ) हान्जानि सानै सोद्रोमाफोरखौ बेंखनआव लादों। सासे सिनियर पुलिस बिबानगिरिनि बादिब्ला,

आमेरिकाआ बांलादेशआव दावबायनाय नोगोरारि आरो बिबानगिरिफोरनो एडभाइजरी फोसावदों



वाशिंटन, 20 एप्रिल: बांलादेशआव लान्थियै हिंसानि जाथायफोरा बांबोगासिनो। बेनि गेजेरावनो आमेरिकायाव गावनि नोगोरारिफोरखौ लानानै मोनसे गोदान ट्रेभेल एडभाइजरी फोसावदों। बेयाव बुंनय



गुबुन रदाइ बादियै 36 राफेल उरांफोरनि हान्जा दड। भारतीय अखांमा सान्थ्रिनि राफेल उरांआ गावनि गंनै गाथोन आम्बाला आरो हाशिनारानिफ्राय उरायो। गं 26 राफेल-मेरिन उरां बायनो गोरोबथा खालामनायजों राफेल उरांफोरनि अन्जिमाआ गं 62 जागोन।

बांलादेशआ शेक हासिनानि हेंथायै इन्टारपलनिफ्राय मदत हास्थायदों

गोदान दिल्ली, 20 एप्रिल : थांनय बोसोरनि 5 आगस्टआव हादतआव गोखों हिंसायारि जाथाय जानायनि उनाव भारतआव आश्रय लानानै थाफेनाय शेक हासिनानि हेंथायै बांलादेशआ इन्टारपलनिफ्राय मदत बिदों। बांलादेश पुलिसनि नेशनेल सेन्ट्रल ब्युर'आ बारग' गाहाइ मन्थि शेक हासिनाजों लोगोसे सा 12 सुबुंफोरनि हेंथायै रेड कर्नार नटिस फोसावनो इन्टारपलखौ खावलायदों। पुलिस मावख'आव लेडाइ गाहाइ बिथोनगिरि इमानुएल हाक सागरआ बुंदोंदि, एनसिबि कर्डफोर, सरकारि अजद होग्राफोर आरो नायबिजिरग्रा एजेन्सिनिफ्राय मोन्नाय आर'जफोरखौ बिथा खालामनानै इन्टारपलनिसिम बेबायदि खावलायहरनाय जादों। बे आर'जखौ बै दायफोरनि लोब्बायै थिसन्नाय जादों, जाय नायबिजिरनाय समाव एबा सोलिगासिनो थानाय केसनि गेजेरजों सोरांआव फैदों। बिथाड बुंवावदोंदि, गुबुन हादतआव थाहैनाय खारखोमाग्रा जायगाफोरखौ सिनायथिनायाव इन्टारपलआ गाहाइ बिफाव



लायो। थांनय बोसोरनि नभेम्बरआ बांलादेशनि इन्टारनेशनेल क्रिमिनेल अट'रिटिनि गाहाइ अजद थिसनग्रा मावख'आ शेख हासिना आरो गुबुन खारखोमानाय सुबुंफोरखौ हमनायाव इन्टारपलनि मदत लानो हागोन होन्ना बुंदोंमोन। मख'जाथावदि, थांनय बोसोरनि जुलाइ दानाव बांलादेशआव रिजार्भेशननि हेंथायै फरायसाफोर गोखों सोमावसारदोंमोन। गासै दान मोनसेसिम बे सोमावसारनाया सोलिदों आरो उनाव 5 आगस्टखालि सोमावसारनाया बेरेखा एबा हिंसानि महर लायो। राजथावनि ढाकाआव गिखंथाव हिंसायारि थासारि नुजाथिनायनि उनाव बै समनि गाहाइ मन्थि शेक हासिनाया गावनि बिबानखौ

नागारो आरो हादतखौबो नागारनाडे। मिडिया रिपर्टफोरनि बायदिब्ला, बै समनिफ्रायनो शेक हासिनाया भास्तआव दं। हासिनानि पार्टी आबामी लिगआ 16 बोसोरनिफ्राय बांलादेशनि खुंथायाव दंमोन। हासिनाया हादत नागारनायनि सान्थम उनाव बांलादेशआव अन्तरिम सरकार दानाय जायो, जेराव महम्मद युनुसआ सरकारनि गाहाइ बिबानखौ लायो। युनुस सरकारा शेक हासिना आरो बिथांनि हेफाजाबगिरिफोरनि हेंथायै इन्टारनेशनेल क्रिमिनेल अट'रिटिआव केस होदों। बेनि उनाव अट'रिटिआ शेक हासिना, बिथांनि मन्थिफोर आरो हेफाजाबगिरिफोरनि हेंथायै एरेस्ट वारेन्टबो फोसावदोंमोन।

मनिपुरआव पुलिसआ सा 9 सुबुंफोरखौ हमदों



क्यामेइनिफ्राय प्रपक आफादनि सासे सोद्रोमाखौबो हमनाय जादों। सुलुनि बादिब्ला, सान्जा इम्फल जिल्लानिफ्राय केवाइकेएल आफादनि आरो इउपिकके आफादनि साफायै सोद्रोमाफोरखौ बेंखनआव लानाय जादों। मख'नो गोनांदि, मे 2023 निफ्राय मनिपुरआव हिंसायारि जाथाया जागायजेन्दोंमोन। मैतेइ आरो कु की फोलेरनि गेजेराव सोलिबाय थानाय हिंसायाव 250 निबो बांसिन सुबुंफोरनि जिउ गोमाबाय। रोजा-रोजा सुबुंफोरा न'-बां गैजायै जानांबाय।

हमदों। बिसोर सानै दायनिगिरिफोरबो जर-जुलुमै रां लुथिनाय दायव दंफायोमोन। बेनि उनाव सोनाब इम्फल जिल्लानि सलाम मम लाइकाइ ओन्सोलनिफ्रायबो केसिपिनि सानै सोद्रोमाफोरखौ

सिलमपुर मार्टार केसआव पुलिसआ गाहाइ दायनिगिरिजों लोगोसे सा 7 सुबुंफोरखौ हमदों



गोदान दिल्ली, 20 एप्रिल: सान्जा दिल्ली सिलमपुरआव जानाय बुथारनाय जाथायाव पुलिसआ जाफुंसार जानो हादों। दिल्ली पुलिसआ गाहाइ दायनिगिरि जिकरा एबा लेडि डनजों लोगोसे सा 7 सुबुंफोरखौ हमदों। बेजों लोगोसे साहिल आरो दिलशादखौबो बेंखनआव लानाय जादों, जायनि सायाव 17 बोसोर बैसोनि कुणालखौ दाबा सुरिजों सुथारनायनि दाय दड। बेनि अनगायै पुलिसआ नायबिजिरनायनि गेजेरजों सन्देह गोनां बैसो जायै गथ'फोरखौबो बेंखनआव लादों। बे जाथायाव हमजानाय लेडि डन जिकराआ साननैन थिखाय पुलिसनि बेंखनआव दड। बेनि गेजेरजों पुलिसनि सोंथि खालामनायाव बियो सोमोनांथाव बाश्ना फोरमायदों। बियो गावनि फंबाय जानाय साहिलनि सायाव गिबिसनि गाग्लोबनायनि खिथेर लानो थाखाय 17 बोसोर बैसोनि कुणालनि सायाव गाग्लोबहोदोंमोन। थांनय बोसोरनि नभेम्बर दानआव कुणालनि सानै लोगोफोर लाला आरो सम्भुजों लोब्बा थानाय मोनसे केसआव साहिलनि सायाव गाग्लोबदोंमोन। कुणालआ जाथाय जानाय जायगायाव दंफायोमोन, नाथाय बनि मुंखौ एफआइआरआव होफनाय जायाखैमोन। मानोना बियो बै समाव बैसो जायाखैमोन। बेखौ गनायना लानानै गिबि केस एबा गाग्लोबनायाव कुणालनि आखाइ दडमोन, जिकराआ खिथेर लानो थाखाय खैसार सादोंमोन। बुथारनायनि सिगां बियो गावनि उदै बैसो जायै लोगोफोरखौ कुणालनि सायाव नोजोर लाखिनो बिथोन होदोंमोन।

‘गथ’फोरनि सल’

मुस्त्रि अनिल कुमार ब्रह्म

सासे बोराइहा साथाम फिसाज्ला दंमोन।

साथामबो सेंग्रा देरजोबबाय।
नाथाय देरनानैबो बिसोर
साथामजों सानफ्रामबो गावजों
गाव नांज्लाइबाय थानाय मोन।
फिसाफोरनि बेबादि आखुआव
बोराइआ जोबोर दुखु
मोननायसै आरो सानसे
खालि साथामबो फिसाखौ
खाथियाव लिंहरनानै
बुंनायसै, “आंनि आंगोनि
फिसाफोर। आं बोराइबाय।
आं थाबैनो थैसिगोन।
नाथाय दुखुयै राइनो
गोनां जायोदि नोंसोर
जेब्लाबो नांज्लाइनोखौ
नागारा।”

अब्ला गिबि फिसाज्लाआ
बुंनायसै, “आंनि
सासे बोराइ आरो साथाम फिसाज्ला

मोजां बेसादफोरखौ
बिसोर मानो जंर जुलुमै
लानानै थाडे ?”

नैथि फिसाज्लाआ
बुंनायसै, “आंनि बिदा
आरो फंबायआ मानो
आंखौ जेब्लाबो नाइहाबो ?”
थामथि फिसाज्लाआ
बुंनायसै, “नड, आंनि
सानै बिदाआ आं जेब्ला
हारसिडै लामायाव बेरायनो
थाडे, अब्ला आंखौ
बुबाय थायो।”
बिफाआ रागा जोंखां
नायसै आरो बुंनायसै,
“खुगा मुथु जाम्बाफोर।
दानिया बुं-नोंसोर
आंनि आखायाव मा नुदें ?”

गिबि फिसाज्ला, “माखासे
लावथि, नों बेफोरखौ
बजा खागासिनो दं।”
बिफाया बुंनायसै, “नंगौ,
आं बजा खागासिनो दं।
दानिया नोंसोरनि
सासेआ बे बजाखौ
लांदें।”
अब्ला दुइसिन फिसाज्लाआ
मोनसे बजाखौ
आखायाव लानायसै।
बिफाआ बिखौ जायगायाव
गसडैनो थानो थिन्नायसै
आरो बजानि लावथिफोरखौ
सिफाइनो थिननायसै।
बियो बोलो होथाब
होथाब नाजाब्लाबो
बजाखौ सिफाइनो
हायाखिसै।
गिबि फिसाज्लाआबो
नाजानानै फेलें
जानायसै।
दानिया दुइसिन फिसाज्लाआ
सिफाइनो नाजायाब्लानो
सिगां सिगां बुंनायसै,
“बेखौ रावबो सिफाइनो
हानाय नड।”

दानिया बिफाआ
बजाखौ खेफ्रुनानै
आखायाव गंसे लावथि
लाना सोंनायसै, “दा
बे लावथिखौ सोरबा
सिफाइनो हागोनना ?”
गिबि फिसाज्लाआ
लावथिखौ गोरलैयैनो
सिफाइनायसै।
नैथि फिसाज्लाआबो
बेबादिनो सिफाइनानै
बुंनायसै. “आं
हारसिडैनो बेफोर
लावथिफोरखौ
गंफा गंफा सिफाइ
जोबनो हागौ।”
अब्ला बिफाआ
फिसाफोरखौ
बुजाइनायसै, “खोनासं
फिसाफोर। नोंसोर
जुदि खौसेयै थायो,
अब्ला नोंसोरनि
गोहोआ बोकदाद।
नाथाय जुदि हारसिडै
थानो सानो, अब्ला
गंसे लावथिबादि
नोंसोर गोग्लैयैनो
सिफाइ जागोन।”

बिफानि बे रावआव
साथाम फिसाज्लाआ
खर’ गंग्लाइनायसै
आरो बुंनायसै, “नंगौ
आफा, जों दासो
बुजिनो हाबाय।
खौसेयानो गोहो।
बेनिखायनो
दिनैनिक्राय जों
एखुथायै थानाय
नंला। जों जेब्लाबो
खौसेयै थागोन।”
श्च
बोसोन :–दानागार
दानागार गावनि
दोलो, खौसेयानो
गुबै गोहो।

इशोर	
	
इशोर आं नोंखौ	
खुलुमो सिबियो अराय सम	
अराय दिन गले गले।	
आरज गाबो आं	
सम सम नोंखौ गोसोखां	
गोसोखां फुं मोना।	
हास्थायो आं नोंखौ	
मोनो अराय खाथियाव।	
लुबैयो आं नोंनि	
अन्नाय आरो अनसायनाय	
अरायबो नोंनिफ्राय।	
अनसायहरदो गसाय	
नोंनि थायनै मेगनजों	
आंखौ नायहरनानै।	
लानो होदो गसाय	
नोंनि खाथियाव आंनो	
गोजोन देरा।	
श्री अभिनास बसुमतारी	
सामथाइबारी।	

जिउनि दिङा

आंनि खर`सायाव थ नाय हरै मारुआव,
थाडे आं गोजोन लानो जिउनि
मेंरोम बेलारोम बुब्लियाव,
हिमालयनि बै गोजोन
सुडेम रंजाथिलिआव;
मेंनाय जिउनि
डिङाखौ गोजोनग्लाइ
होनो–थोर–थोर
बोथोर जिउ डिङाखौ
खाफ्रानो।
हिमालय हाजोनि
हरै मारुआव
गिखंथाव महरै,
दङ नेनानै
आंनि लरहाइनाय
जिउ डिङाखौ
लोगो हमनो
बरफनि आइलि
जाइलि गुथाला।
हुम हुम बारनि
गुताला
सोगोमदों
हास्रिखाव हास्रिखाव,
हिमालय हाजोनि
बै गोजोन
सुदेम रंजाथिलियाव;
आंनि मेंरोम
जिउ डिङाखौ
लांफानो
लोगोआव।
अन्थाइ
बिखा–बार
आरो बरफ
बेफोरखौ
नोंसोर
मानो ? ? ?
आंनि रूंगेलांहां
जिउ डिङानि
खोमसि
बुब्लिआव !
हनै हिमालयनि
गोजौ हाजो
थिख्निनिया,
गोग्लैनोसै
आंनि जिउ
डिङा लारोमसालिआव;
बरफ आरो
बारनि
गोरा गोरा
गुथालनि
दोहौजों।
हिमालयनि
गोरा गोरा
लहानि
खुथियाव,
गुब्रुबाय
रंखिनि
बरफ आरो
बारनि
हिंसायाव,
हिमालय
सानि
गोजोन
स`नानि
जिराइसालिया;
गैइला
बिसोरनि
दुथां
आखुनि
थाखाय
मुलुग
संसाराव।
आगोमा
आंनि
मेंरोम
जिउ
डिङानि
जोबथा
बुब्लिआ
थाबाय
बेसेबा
गेदेर
हिमालय
हाजोनि
सिङव
जिउ
सोलेर।

<i>मुस्त्रि लक्ष्मन नार्जारी।</i>
<i>ला:सो: – नेहरु बाजार। जिल्ला – सिरां।</i>
<i>महकुमा – बिजनी।</i>

सिनायै अनजालि

हाय अनजालि ! जाखो नों बबेनि ?
मिथियाखिसै आं नोंनि थं
थेवबो नोंनि फंसे
रायदावलांनाय
रावआ आंखौ
सिमब्रेलाडे।
नोंनि
समायना
गलाब
राणी
महरा
आंखौ
खालामबाय
हालाय–हाफाय,
नोंनि
हायनारि
गावदां
महरा
गेलेफैबाय
खनले–खनले
गोर्बों
दरखंआव।
आनदाय
होबाय
नों आंखौ
बारसेल’
गलाब
बिबारनि
बागानाव,
नोंनि
समायना
महरनि
हायना
सारफावनायाव।
खारफा
नांबाय
नोंजों
उन–उन
थेवबो
मोनाखिसै
आं नोंनि थं,
गोर्बोंआवल’
गालांबाय
नोंनि
समायना
गलाब
राणी
महरा।

<i>मुस्त्रि सन्तस रामचियारी।</i>
<i>गामि – खारुवा (बिलपार)।</i>
<i>ला:सो: – खारुवा, 781346।</i>
<i>जिला – बागसा।</i>

गोसो थोनाय

आय’ हाबाब गोसो थोनाय।
मा एसेबां गोदे
मा एसेबां मुजिथाव
मा जिराद बेलाइ ?
बेनो नामा
गोसो थोनाया ?
बेनो नामा
मायानि जेआ ?
सोर अबंलावरिया
जोनोम होया ?
बे अन्नाय
मोजां मोन्नाइ
आरो गोसो
थोनायखौ
सानथारा
खैमोनदि
आं –
गोसो थोनाया
बेबाइदि
सानसे
रजेखौ
नुयाब्ला।
सानसे
रजेखौ
लोगो हमनो
मोनाब्ला
सानसे
रजेजों
मोजां गात्रि
बाश्रा
राइज्लायनो
मोनाब्ला।
गोर्बों –गोसोआ
गोजोन
गैथारा।
आरोबाव
गोजोन
गैबावया
रजेखौ
नुनानै
आरो
रजेजों
राइज्लाइनानै ,
लुबैलिया
थानानै
थानो
रजे
गैयाब्ला ।
नांबावगौ
बेनिफ्राइ.....बाइदि
बाइदि.
गुबुनजों
दाजार्थों
मोजां
मोन्नाया
आंनि
रावनोबो
दा
बिलाइ
हरथों
आंनि
रजेखौ ,
अबंलावरिनाव
आर’ज
गाबो
आं ।
अबंलावरिनाव
बोर
बियो
आं ।
मोजां
मोन्नाइया
आंनि
फेलें
थांङ
जाहाते
बे
जोनोमाव
नों
रजेखौनो
आं
मोनथारथों
नों
र’जेखौनो
मोनथारथों
आय’ हाबाब
गोसो थोनाय।

<i>श्री थमास बसुमतारि ,</i>
<i>गामि– कसुगाँव</i>

रंजालि गथ’फोरनि सौरा

देग्लाय बैसागोनि मुडैआंबो लोंबाय

गैया गोसोआ
मानिथारासै
थानाय
बोसोराव
बुंनाय
बाश्राखौ
आं
लाखिनो
हायासै,
बुंदोंमोन
आं
बे
बोसोरावनो
जोबथा
लोंनोसै
नाथाय
गैया
बै
खोथाया
रज’वासै।

लोङब्ला
मोदोमानो
मावा
लोङब्ला
रंजानोनो
हाया
लाजिसोयो
लोगोफोरासो
बुङेमोन
आंनि
सिगाङाव
बेबादि
खोथा
नाथाय
बे
रावाबो
आंनियावसो
सन्देरगारबाय
दानिया
आंहासो
लोङब्ला
लाजिग्रा
जाबाय ।

थारला
कापसे
लोंदावब्ला
लेथा
नांथारो
ज’ दामब्लेना
दाबखा
बेलथायनो
गोसो
जायो
खर’आव
एसे
दावखोयोब्ला
बांसिनै
जाद्रायसिनथारो
बानलु
बाथोनजोंब्लाबो
थाल
मोनलायि
हाबथारो।

बोसोराव
खनसेल’
फैन्या
बैसागो
बोथोर
रंजायाब्लाबो
जाया
गोसोआ
उरां
फारां
जायो
आसा
थानाय
बादि
मोनो
आंगोनि
रंजाथाइ
फोरबो
बर’
हारनि
बिखानि
खावसे
बाहागो
बेखौ
आं
मालाय
बोरै
हगारहरनो...!

अब्लाबो
आंलाय
देग्लाय
बोसोराव
लोङसो
सानदोंमोन
बोथोरनि
जौ
बिदै
मोदोमफ्रु
मोदोमथारो
हब–हबनो
बेखायनो
लोंपलांगारबाय
आंबो
ग्रद–ग्रदनो।

लोखांनायनि
अखानायै
खर’आ
गोगोम
सागारबाय
बिसिनायासो
आंजों
बिसुखे
जागारबाय
सानफा
थोलो
गोग्लैना
थानांबाय
लोंनायनि
मुङव
Paracetamol
आं
जानांबाय।

थानाय
बोसोराव
जे
खोथाखौ
आं
बुंदोंमोन
बेखौनो
आरोबाव
बुंफिननो
गोनां
जाबाय
बेनो
जादों
फैगोन
बोसोराव
आं
जौ
लोंथारला।

<i>दावबायारि बिग्राइ</i>
<i>सा ढेकियाजुलि, सनितपुर</i>

रजे नों आंनि

रजे नोंखौ
नुनानैनो
आंनि
गोसोआ
बोदोर
जाबाय,
नोंखौ
दसे
नुवाब्लानो
आंनि
गोसोआ
उसाव
बादाव
जाखाडे।
खेबसे
नुनायावनो
आं
नोंखौ
गोसो
गोरबोजों
मोजां
मोनबाय।
आदा
आं
नोंखौ
जेब्लाबो
आंनि
खाथियाव
थाबाय
थाजानो
लुबैयो।
नोंनि
अनगा
आंहा
सिगाङाव
रावबो
जिउनि
असे
लोगो
गैयामोन,
रजे
आं
नोंखौनो
जेब्लाबो
जिउनि
मोदाय
खालामनानै
लानो
हास्तायो।

<i>थरायना पुजा बड’सा।</i>
<i>ला:सो: – दैमालु नोगोर (बिजनी)</i>
<i>जिला – चिरां।</i>

गुमुर गैयै भ्रमण

एस आइ आर बसुमतारी

मासे
फिसा
इनजर
इंगिनि
गुदुं
नागारनानै
हाग्रा–बंग्रा
हा
सिङावनि
हानजा
दैदेननानै
दाब–दाब
गिदिं–गिदिं
बेयाव
दसे,
बैयाव
आयदासे
एखनब्ला
खिफिदेरनाय,
एखनब्ला
एरफुनाय
बुहुमखौ
बागदाव
खांहोदों।
राजखान्थिनि
फनैसो
मन्श्रजों
साधु
बैरागिनि
गिरुया
जि
जोख्लोबनानै
गोदानै
दाफिननाय
जीउ
राहाया
दान्दिसे
बुहुमाव
फेरलेबसे
रंजानाय
लाबोदों।
नाथाय
सियाला
गोथां
महर
लाब्लाबो
बियो
सियालानोखा;
दावखाया
दावराइनि
गां
थुदेरब्लाबो
गुबै
दावखायानो
खा।
बैरागीनि
गाब
गाब्लाबो
आखुथाया
इनजर
इंगिनिनि;
बिनि
देँखोफोराबो
गलिनो
रोङे
गोरा
अन्थायनि
बिदै।
दा
बै
इनजर
इंगिनिया
भ्रमणनि
थाखाय
थांबाय
स’नानि
सिंहासनखौ
नागारनानै
गावखौ
गुबै
सन्यासी
दिन्थिनो
नाथाय
बबे
दिकनि
भ्रमण
रावबो
गुमुर
मोनाखै।

खोन्दोनै लिमारिक खन्थाइ

बाजैनि लागो चेराबारि बाजैयालाय मैगं बेफारि नाथायदि बाजैया न’वाव थाब मोनहैया सोरजोंबा लायेन मारि मारि
दाउरायबारनि बाजै देलाय हौवा साख्रि आवला मोन्नायखाय थायो देलाय मालाय संलाय खावलाय जालाय आरो सोरांबा आयना नायनाय
-रैदोम बर’, बाक्सा

गोजा थै बोहैहोनो हाथों

थासारिजों
गोरोबनानै
लानश्रियै
सोरजिनाय
हुदा
जाथों
सैथोथि
फुंखानि
सुजुथि
जाथों
रुगुंसिम
सौहैथारनांगौआव
रेबगननि
बैथाया
थाद’नाय
गैयै
बुबराबबाय
थाथों
सैथोनि
थाखाय
देरहासारनायनि
गोजा
थै
बोहैहोनो
हाथों।

<i>सबिराम बर’</i>
<i>राबां, बाग्सा</i>

अनजिमानि लाइजाम

हरदोंमोन
आं,
अनजिमानो
लाइजाम
आंनि
जिउनि
होन्ना।
सानो
आं
अनजिमाखौ
आंनि
जिउनि
अनजालि
हो
न
ना
नै।
आं
नाथाय,
अनजिमानो
हरनाय
लाइजामखौ,
रावबो
नुवा
रावबो
खोनानो
मोना
बे
आंनि
अनजिमानो
हरनाय
लाइजामाखौ।
आं
सानो
आंनि
गोसोयाव
बे
दान्दिसे
संसाराव
अनजिमानि
अनगायै
रावखौबो
लानो
हानाय
नड।
गोसो
गोर्बोंजों
मोजां
मोननायखौ
आं
बोरै
नागारनो
हानो।
जिउआ
जोबलाडे
आं
अनजिमाखौ
बावनो
हाथारनाय
नड।
बेनो
आंनि
अनजिमानि
लाइजाम।

<i>श्री अजय कुमार बसुमतारी</i>
<i>ला:सो:– सिम्बरगाव</i>
<i>जिल्ला–क’ क्राझार बि टि सि आसाम।</i>

सिमांनि सैनाय

अ’
आंनि
सिमांनि
सैनाय,
मैआसो
बारहांनाय।
दिनैनो
मेगन
खेबजानाय,
गाबोननो
जुलि
लाजानाय।
नोंनि
महरआनो
बिदिन्थि,
सानाखैमोन
आं
बिब्दि।
सानदोंमोन
आं
नोंखौ,
सिमांनिसो
सैनाय,
फोजा
लांबाइसो
नोंनि
खानायबिलाय,
मादि
महर
सारफावनाय
स’ना
नोंखौ,
नोंनि
बर’
बिमाआलाय।
मानोथो
गोजावखो
आंलाय,
मानोथो
गलि
नांखो
आंनि
गोसोआलाय,
नोंखौ
नुनानैलाय,
अ’
सिमांनि
सैनायलाय,
सिमांनि
सैनायाबो
जामारो
मोगथानि
राणी
दंमारोसे
बर’
बिमानि
जोलै
हाजो
हायेन
बर’नि
बिबारि
बिनि
खायनो
बर’
हारनि
गेजेराव
बिरबोयो
बायदिसिना
गाबनि
सिखिरि।

<i>मुस्त्रि किंकं राजा नार्जारी।</i>
<i>ला:सो: – स’ नापुर। जिला – चिरां।</i>

माहाम देहानि राहा

इउरिक एसिडनि थाखाय निम बिलाइआ मुलाम्फा गोनां

इउरिक एसिडनि गोजू थाखोआ गोबां सावस्त्रि जेंनाफोर सोमजिहोनो हागौ। इउरिक एसिडनि बांलांनाय थाखोखौ थि समाव सामलायनाया जोबोद गोनांथार नडब्ला नोंथाड गोब्राब जेंनाफोरजों मोगा-मोगि जानो हागौ। नोंथाड मिथियो ना निम बिलाइयाव मोन्नाय बायदि रोखोमनि निउट्रियेन्टफोरा हाइ इउरिक एसिडनि जेंनानिफ्राय रैखा मोननायाव गोहोम गोनां जानो हागौ? इउरिक एसिडनि जाहोनाव जानाय ज'रायाव सानायनिफ्राय रैखा मोननो थाखाय नोंथाड मोनसे रोजा पेस्ट बानायनो थाखाय निम बिलाइखौ दैजों ग्राइन्ड गुन्दै खालामनो हायो। बे पेस्टखौ सानाय एबा बुनाय जायगायाव बाहायनो हायो आरो खावसे घन्टानि उनाव गुदुं दैजों



सुनांगौ। नोंथाड निम बिलाइनि पेस्टखौ सानसेआव खेबनै फुननो हायो। निम बिलाइआ एन्टि-इनफ्लेमेटरी आरो एन्टिअक्सिडेन्ट गुनफोरजों बुंफबनाय, इउरिक एसिडनि थाखोखौ सामलायनायाव मदद होनो हागौ। नोंथाड सानफ्रोमबोनि आदार बिर्थांखिन बाहागो महरै निम बिलाइनि साहाखौ सोफादेरनो हायो। बेनि थाखाय 10-15 निम बिलाइखौ सुनानै कापसे दैयाव दोननायनि उनाव बेखौ 10 निफ्राय 15 मिनिटसो

रुनांगौ आरो एसे गुसु जाब्ला बेरे मोदैजों गलायनांगौ बेनि उनाव लोंनांगौ। जुदि नोंथाड मोजां मोनोब्ला निम बिलाइनि मोनसे काढाबो बानायनो हायो आरो लोंनो हायो। जुदि नोंथाड इउरिक एसिडनि जाहोनाव जरायाव सानायनिफ्राय गोख्रै रैखा मोननो लुबैयोब्ला निम थाव बायनो हागोन। बेनि थाखाय गावनि ज'राफोरखौ निम थावजों लासै-लासै मालिस खालामनांगौ।

फावखुंगुर शाइन टम चाकआ ड्रग्स केसनि जेंनायाव गोग्लैदों

मुंदांखा फावखुंगुर शाइन टम चाकआ जेंनायाव गोग्लैदों। थांनाय सानफोराव फावखुंग्रि भिन्सि अलशियसआ बिर्थांनि हेंथायै भिसबिहेभ खालामनायनि दाय फोनांदोंमोन आरो ड्रग्स लादों होन्नानै सन्देह' खालामनाय जादोंमोन। बेनि उननिफ्रायनो फावखुंगुरआ नार्कटिक्सनि रेडारआव दं। माखासे सान सिगां कच्च्वि मोनसे हटेलआव नार्कटिक्स बिबानगिरिफोरा सिग्रोमदोंमोन, जायखौ नुनाय लोगो लोगोन फावखुंगुरआ बेनिफ्राय खारखुमा लांदोंमोन। सान्थामसिम ड्रग्स केसआव शाइन टम चाकखौ नायगिरिनायनि उनाव थांनाय सानाव शाइनआ गावनो नार्कटिक्स टिमनि सिगांआव

हाजिर जादों। नार्कटिक्सआ बिर्थांनि हेंथायै समन हरदोंमोन, जायनि उनाव बिथाड हाजिर जादों। शनिबारखालि फुंनि सा एर्नाकुलम पुलिस स्टेशनाव शाइन नुजाफैदों आरो बिथांनाव ब्रै घन्टसिम सोंथि सोंदों। शाइन टम चाकआ जेब्ला नायबिजिरनाय एबा सिग्रोमनाय समाव बै हटेलनिफ्राय खारखुमालांदोंमोन अब्ला बिर्थांनि सायाव सन्देह' खालामनाया बांसिन जादोंमोन। नाथाय सोंथि सोंनाय समाव शाइनआ मिबथि होदोंदि, गाव गिदोंमोन बेनिखायनो हटेलनिफ्राय खारलांदों।बिथाड सान्दोंमोनदि, बिसोरो पुलिस नड सोरबा दुथांफोर्सो जाय गावनि सायाव गाग्लोबनो



फैदोंमोन। आथिखालाव फावखुंगुरनि कल रिकर्डस आरो सिसिटिभि फुटेसखौबो नायबिजिरनाया सोलिगासिनो दं। मिबथि होनाय जायोदि, फावखुंगुरनिफ्राय जेबो फेग्रा बेसाद मोन्नो हानाय जायाखै। बबेखानि दासिमबो शाइननि खारखुमा लांनाया सन्देह' फारसेनो दं। आथिखालाव मेडिकेल नायबिजिरनाय आरो

अक्षय कुमारनि ‘केसरी चेप्टार 2 ’ सावथुना बक्स अफिसआव सान्नेआव मोजां रां आरजिनो हादों

गुड फ्राइडे सानखालि रिलिज जानाय अक्षय कुमारनि ‘केसरी 2 ’ सावथुनखौ लानानै गोबां हाइपार जानाय नुनो मोन्दों। बे सावथुनखौ अक्षय कुमारनि मच अवेटेड सावथुनफोरनि मादाव मोनसे होन्नानै गनायनाय जादों। अदेबानि बे सावथुनखौ बिर्थानि केरियारखौ गोदानै दावगालांहोगोन होन्नानै गनायनाबो लादों, मानोना दासिमाव रिलिज जानाय बिर्थानि माखासे सावथुनफोरा जेबो जर'खा पारफर्म खालामनो हायाखै। अक्षय कुमार आरो आर माधवनआ बे सावथुनाव गिबि खेब जयै नुजाथिदों। सानैजों बे सावथुनाव मोगा-मोगि नुजाथिगोन। सावथुनाव जालियानवाला बागनि बुथासनायनि सल'खौ दिन्थिनाय जादों। करण सिंह त्यागिनि दिहुन्नाय आरो करण जौहरनि धर्मा प्रडाक्सन्सनि बेनाराव



बानायनाय केसरी चेप्टार 2 आ गावनि जारिमिनारि सल' साबसिन फावगिरिफोर आरो मुजिथावना ट्रेलारजों लोगोसे नायगिरिफोरनिफ्राय मोजां रिस्पन्स मोन्नो हादों।

मुजिथावना बाश्त्राया बेनोदि, गाहाइ ज'रानि अनगायै सावथुनाव आनन्या पान्डेआबो उकिल दिलरित गिलनि फावआव नुजाथिदों। सावथुना गिबि सान एबा शुक्रबारखालि

7.75 कौटि रां कालेक्सन खालामदोंमोन। बबेखानि दा सावथुननि नैथि साननि आर्लि ट्रेन्सआबो नुजाथिबाय। नैथि सान एबा शनिबारखालि सावथुननि कालेक्सना 7.66

गुड बेड आग्लि सावथुना नख'रारि बक्स अफिसआव 10 थि सानाव मोजां फालांगि खालामदों

10 एप्रिल 2025 आव गिदिर पर्डाआव मोन्नै सावथुनफोरा जयै रिलिज जादों, मोनसेया पेन इन्डिया ‘जाट’ सावथुन आरो गुबुन मोनसेया तामिल सावथुन ‘गुड बेड आग्लि’। मोन्नैबो सावथुनफोरखौ लानानै सावथुननि बाजाराव गोबां क्रेजि जानायखौ नुनो मोन्दोंमोन।


नाथाय रां आरजिनाय केसआव सानि देअल नि सिगां अजित कुमारआ आवागयालांदों। तामिल सिनेमानि सुपार स्टाय अजित कुमारआ बे सोलिफु बोसोरनि फेब्रुवारि दानआव ‘विदामुयार्चि’ सावथुनजों बक्स अफिसआव दोहौ सोमजिहोदोंमोन। बबेखानि नै दानावनो बिथाड गुड बेड आग्लिजों जायगा आवगिनानै दं। अधिक रबिचन्द्रननि दिहुन्नाय बे सावथुना भारतआव खालि



मोन्नै रावफोराव ‘जाट’ सावथुननि कालेक्सननिफ्राय सिगां ओंखारलांदों। शनिबारखालि केसरी चेप्टार 2 फैनायनि उनावबो सावथुननि रां आरजिनाया जेबो दावखलायनायखौ नुनो मोनाखै। गिबि सानाव 29.25 कौटि रंजों अपेनि लानाय गुड बेड आग्लिजों जायगा आवगिनानै दं। अधिक रबिचन्द्रननि दिहुन्नाय बे सावथुना भारतआव खालि मोन्नै रावफोराव ‘जाट’

सावथुननि कालेक्सननिफ्राय सिगां ओंखारलांदों। शनिबारखालि केसरी चेप्टार 2 फैनायनि उनावबो सावथुननि रां आरजिनाया जेबो दावखलायनायखौ नुनो मोनाखै। गिबि सानाव 29.25 कौटि रंजों अपेनि लानाय गुड बेड आग्लि सावथुननि कालेक्सना दासिमबो कौटि रांआव दं। नैथि शुक्रबारखालि रां आरजिनाय बिर्थिआव 9 जौखोन्दो दावखोनो हादोंमोन। रिपर्टनि बायदिब्ला, गुड बेड

मुकेश ऋषि आरो धर्मेन्द्रआ माखासे सावथुनफोराव जयै खामानि मावदोंमोन



बलिउडआव सारसेनि उनाव सासे गोबां गिख्रंथाव भिलेनफोर ओंखारबाय, नाथाय मुकेश ऋषिनि बाश्त्रायानो आलादा। मुकेशआ बलिउडनि हिमेनजों जेंना जादों। गावनि थामजि जौथाइनिखुइबो बांसिन केरियारआव बिथाड अमिताभ बच्चन, धर्मेन्द्र, सानि देअल, आमिर खान, मिथुन चक्रवर्तीजों लोगोसे माखासे गेदेर सुपार स्टारफोरजों लोगोसे स्क्रिन शेयार खालामदों। मुकेश ऋषिआ गुन्डा, जुडवा, सर्यवन्शम, बंधन आरो घातक बायदि सावथुनफोराव गोख्रों भिलेननि बिफाव होदों। मुकेशआ धर्मेन्द्रजों लोगोसे गावनि गिबि लोगो मोनजेन लायनायखौ गोसो खांदों। फावखुंगुरआ मिबथि

जागायजेन्नायाव बिथाडा स्टारखौ नुयैबायदि खालामदोंमोन आरो बिर्थांखौ लोगो हमनायाव जेबो इन्टरेस्ट मोन्नाय दिन्थियाखैमोन। नाथाय उनाव बिथाडा गावनि बे गोरोन्थिखौ मोन्दांथियो आरो उनाव बिर्थानि आइथिंखौ खुलुमो। मोनसे इन्टारभिउआव ऋषिआ बेनि सोमोन्दै बाश्त्रा सावशयदों।फावखुंगुरआ मिबथि होयोदि, जेब्ला बिथाडा सेटआव धर्मेन्द्रखौ फैदों होन्ना मिबथिदोंमोन अब्ला बिथाड बिर्थांजों लोगो हमनो थाडखैमोन। बिथाड बुडेदि, आं आंनि लाइनखौ गोसोआव लागासिनो दंमोन आरो जेब्ला सुट्टिनि थाखाय सेटआव सौहैयो अब्ला बेवहाय धमेन्द्रआ सिर्गानिफ्रायनो दंखायोमोन।

अब्लाबो आं बिर्थानि फारसे नायाखै आरो डायरेक्ट ऑनि सिननि सुट्टिनि थांदों। बबेखानि जेब्ला सुटआ जोबो अब्ला ऋषिआ खारनानै थाडो आरो बिर्थानि आइथिंआव गोग्लैहैयो। मिबथि होनाय जायोदि, मुकेश ऋषि आरो धर्मेन्द्रआ माखासे सावथुनफोराव जयै खामानि मावदोंमोन। 1992 आव बिर्थांनि गिबि सावथुना नुजाथिदोंमोन, जायनि मुडा ‘हमला’ मोन।

जितेन्द्र कुमार आरो निना गुप्तानि पन्चायत सिरिजनि मोन्थाम सिजना नुजाथिबाय

उइ के =ड नि गोजोन्नाय लानो थाखाय आथिखालाव साफ्रोमबो अटिटिआव सम थांहोयो। सावथुनफोरनि थाखायबो थियेटारफोराव थांनो गोनांथि जाया। गरम बोथोराव जोबोद बाडाइ सुबुंफोरा गावसिनि एन्टारटेन्मेन्टनि थाखाय न'नि बायजोआव सिनेमा हलफोराव थांनो मोजां मोनो। जुदि नोंथांमोनहा न'आव थानानै मोजां वेब सिरिज नायनो लुबैयो अब्ला मोनबा अलटाइम पारफेक्ट सिरिजखौ नायनो हागोन। अदेबानि बे



सिरिजफोरखौ जेसेबां खेब नायगोन एसेबांनो मोजां मोनगोन। जितेन्द्र कुमार आरो

जानाय मोनसेबाव सावथुन ‘बेटा’ आ शाहरुख खाननि ‘दिवाना’ सावथुनखौ रां आरजिनाय बिर्थिआव उन फारसे खालामदोंमोन। अनिल कापुर आरो माधुरी दिक्षितनि ज'रानि

बेइमशनेल ड्रामा सावथुना बक्स अफिसआव गोख्रौडे दिन्थिफुंदों आरो 1992 आव बयनिखुइ बांसिन रां आरजिनो हानाय सावथुन जानो हादोंमोन। ‘बेटा सावथुननि सल'आ सासे

फिसाज्ला आरो बिन बिमा गदायनि सोमोन्दोनि सायाव बिथा खालामनाय। अनिल कापुरनि गोख्रों पारफर्मैन्स आरो माधुरी दिक्षितजों लोगोसे बिसोरनि केमेस्ट्रिआ बे सावथुनखौ गोसोआव थाथाव खालामदों सावथुना 21 कौटि रां आरजिनानै बोसोरनि टप ग्रसरनि बिमुंखौ गावनि मुं खालामदों। ‘दिवाना’ जाय सावथुना शाहरुख खाननि केरियारनि गिबि सावथुनमोन, बेबो नायगिरिफोरजडों गोबां अन्साइ जादों। बे सावथुना 18.88 कौटि रां आरजिंदोंमोन।

नाथाय बेयानि बादायलायनाया बाडइ जानानै थालांदों। शाहरुख खाननि फैनो गोनां सावथुननि बाश्त्रा सावरायोब्ला फावखुंगुर थाबैनो ‘किं ’ सावथुनाव नुजाथिगोन। बे सावथुनाव फावखुंगुरा गावनि फिसाजो सुहाना खानजों लोगोसे स्क्रिन शेयार खालामगोन। माखासे सान सिगां खौरं फैदोंमोनदि, ‘किं ’ सावथुनाव दिपिका पाडुकणखौ गाहाइ बिफाव होनाय नुनो मोनगोन। बेनि अनगायै बे सावथुनजों आरसद वारसिनि मुडाबो सरजाब जादोंमोन।

नेनानै थादों। बे सिरिजनि मोनफ्रोम सिजना आमेजन प्राइम भिडिअयाव दं। जुदि नोंथांमोनहा गोसोब्ला बेनि मोन्थाम सिजन एबा गाव गावनि मोजां मोन्नाय जायखि जाया सिजनखौ नायनो हागोन। कलेज लाइफ, लोगो, खुद्रिलायनाय आरो मिनिनाय-रंजानायजों बुंफबनाय बे सिरिजआव हिन्जावफोरनि जिउनि साबसिन सल'फोरखौ दिन्थियो। टिभिएफनि हिट सिरिज पिचासंखोबो नायनो हागोन। जिउनि बेले-बेले जेंनाफोरखौ बाउगासो थाखाय नोंथांमोनहा बे

सिरिजखौ अटिटि प्लेटफर्म जि-5 आव नायनो हागोन। वेब स्टार्टआप मुलुगाव हाबनाय साब्रै लोगोफोरनि सल'खौ दिन्थिनाय जादों, जाय बे रोखोमनि खामानि मावग्राफोरखौ थुलुंगा होनायनि खामानि मावो। समायना स्क्रिनप्ले आरो गोख्रों वान लाइनार्सजों बुंफबनाय बे सिरिजआ नोंथांमोनखौ मिनिनायनि माखासे खानु होगोन। कमेडियान जाकिर खानखौ गावनि जंखायग्रा एभा कमेडिनि थाखाय मिबथिनाय जायो। अटिटिनि मोनसे हिट सिरिजआवबो बिथाडा नुजाथिखांवाय।

